



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-127-3/24**
Datum: **25.03.2024. godine**

„Agencija za vodno područje rijeke Save“ Sarajevo rješavajući po zahtjevu Investitora „TRANS-MINERAL“ d.o.o. Jajce za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja aktivnosti na lokaciji koja se koristi za skupljanje i reciklažu posebno izdvojenih materijala, na lokalitetu u naselju Skela, općina Jajce na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „TRANS-MINERAL“ d.o.o. Jajce za aktivnosti koje mogu imati specifične uticaje na vode prilikom izvođenja aktivnosti na skupljanju, skladištenje i reciklažu posebno izdvojenih materijala, na lokalitetu u naselju Skela, općina Jajce, na k.č. 3-19/1, K.O. Bravnice, općina Jajce.
2. Ova vodna dozvola se odnosi isključivo na aktivnosti koje mogu imati specifične uticaje na vode sa lokacije definirane tačkom 1. ovog rješenja. Ovo rješenje ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za skupljanje, skladištenje, obradu i reciklažu posebno izdvojenih materijala, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da korisnik navedenih objekata za vrijeme trajanja ove dozvole, osigura da prečišćene, otpadne vode sa lokaliteta koji se koristi za skupljanje i reciklažu posebno izdvojenih materijala nesmetano sakupljaju i odvede do postrojenja za tretman otpadnih voda i prečišćene ispuštaju u recipijent, rijeku Vrbas.
Prečišćene oborinske/otpadne vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.3 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4 Skupljanje i skladištenje metalnih, sekundarnih sirovina vršiti isključivo na betonskoj podlozi s izvedenim sustavom odvodnje prema taložnicima i sustavom prečišćavanja, preko kontrolnog šahta iste upuštati u recipijent, rijeku Vrbas.
 - 3.5 Da se sa opasnim i štetnim materijama (auto akumulatori i ostali otpad koji sadrži štetne materije ili tečnosti) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed izlivanja kiselina i drugih štetnih materija, takve materijale isključivo skladištiti u vodonepropusne kontejnere u natkrivenom prostoru.
 - 3.6 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata kao i ostalih štetnih/opasnih tečnosti i materijala na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.7 Skladištenje bilo kakvog materijala se ne smije ni privremeno odlagati na česticu „vodno dobro“, odnosno u vodotoke i na njegove obale kao ni zelene površine.

- 3.8 Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.9 Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.10 Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, „TRANS-MINERAL“ d.o.o. Jajce je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama se daje sa rokom važenja od pet (5) godine od dana pravosnažnosti rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, „TRANS-MINERAL“ d.o.o. Jajce obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode a odnose se na skupljanje i reciklažu posebno izdvojenih materijala na lokalitetu u naselju Skela, općina Jajce, izrađenog na k.č. 3-19/1, K.O. Bravnice, općina Jajce.

Uz zahtjev je dostavljena slijedeća dokumentacija:

- Rješenje o registraciji br. 051-0-Reg-22-000060 od 04.02.2022. godine izdato od strane Općinskog suda u Travniku;
- Uvjerjenje o poreznoj registraciji od 14.5.2020. godine izdato od strane Kantonalne porezne uprave Novi Travnik;

- Uvjerenje o registraciji / upisu u Jedinstveni registar obveznika indirektnih poreza br. 04/1-17-1-UPJR/1-9153-2/13 od 16.01.2014.god.;
- Odobrenje za uporabu postojećeg objekta- mehanička radiona br.03-23-366/05 od 06.04.2005. god. izdano od Službe za urbanizam, imovinsko-pravne poslove i katastar, općine Jajce;
- Projektna dokumentacija izrađena od STRUKTURA d.o.o. Jajce, oznake EL/PT1-4/19 iz 4/2019 (vraćena investitoru);
- Rješenje o prethodno izdanoj vodnoj dozvoli br. UP-I/25-3-40-185-4/19 od 27.5.2019.god. izdano od AVP Sava;
- Rješenje o izdavanju dozvole za upravljanje otpadom br. 06-23-25/19 od 12.07.2019.god., izdano od Ministarstva prostornog uređenja, građenja, zaštite okoliša, povratka i stambenih poslova Kantona Središnja Bosna;
- Okolišne dozvola br:UPI 05/2-23-11-74/19 od 19.08.2019. izdano od Federalnog ministarstva okoliša i turizma.
- Izvješće o rezultatima ispitivanja Kvantitativnih karakteristika efluenta sa programom praćenja , oznake 01-2-81-I-24 od 22.01.2024., izrađen od ZAGREBINSPEKT d.o.o. Mostar
- Kopija uplatnice o plaćenju upravnoj pristojbi;

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-127-2/24 od 20.03.2024..

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće: Lokalizet na kome se nalazi objekt i manipulativni prostor za skupljanje sekundarnih sirovina nalazi se u naselju Skela, na k.č. 3-19/1, K.O. Bravnice, općina Jajce
Skupljanje sekundarnih sirovina se vrši u prostoru izgrađenog objekta kao i vanjskom manipulativnom prostoru.

Za dato područje poduzeće GEOS d.o.o. Zenica je izradilo eleborat o granicama vodnog dobra, dio parcele nalazi se u vodnom dobru rijeke Vrbas i na istom se ne vrše nikakve aktivnost za spomenutu djelatnost.

Vanjska manipulativna površina je obrađena vodonepropusnom podlogom s izgrađenim sustavom odvodnje prema separatoru masti i ulja s ispustom u lokalnu kanalizacionu mrežu i ispustom u rijeku Vrbas.

Opasni otpad koji sadrži naftu i naftne derivate kao i druge kemikalije se skuplja u vodonepropusnim posudama propisanim za tu vrstu otpada.

Vodoopskrba se vrši iz gradskog vodovoda kojim gospodari JKP „Vodovod i kanalizacija“ d.o.o. Jajce. Sanitarne fekalne vode, preko interne kanalizacijske mreže, se upuštaju u septičku jamu koju čisti i održava JKP „Vodovod i kanalizacija“ d.o.o. Jajce.

Izvještaj o rezultatima ispitivanja kvantitativnih karakteristika efuenta sa programom praćenja stanja voda (monitoring) oznake 01-2-81-I-24 od 22.01.2024. god., izrađen od strane Zagreb Inspekt doo Mostar ukazuju da su svi parametri ispuštenih voda sukladni Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

Za navedeni kompleks izrađena je projektna dokumentacija od poduzeća STRUKTURA d.o.o. Jajce. Poduzeće TRANS MINERAL d.o.o. Jajce ima dozvolu za zbrinjavanje opasnog otpada kao i dozvolu za čišćenje i pražnjenje separatora masti i ulja .

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u

skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. točka s) i točka cc) Uredbe o uslovima ispuštanja otpadnih voda u okoliš i sisteme javne kanalizacije konstatira se da je podnosilac zahtjeva „TRANS-MINERAL“ d.o.o. Jajce, ispunio minimum uvjeta za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent, te je riješeno kao u dispozitivu ovog Rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.grad

Dostaviti:

- „Trans Mineral.“ d.o.o Jajce, Skela bb, Jajce.
- AVP Sava, ISV-vodna knjiga
- Sektor 50
- Sektor 40, arhiva
- Oglasna ploča-AVP Sava